



## Ársskýrsla Vestmannaeyjardeildar árið 2019 - 2020

Aðalfundur Vestmannaeyjardeildarinnar var haldinn 16 janúar 2021 á Zoom. Mættu tólf sjúkraliðar á fundinn, fundastjóri var Andrea Guðjóns Jónasdóttir og ritari Dagmar Skúladóttir. Ekki var boðið upp á fræðslu að þessu sinni. Engar breytingar voru á stjórn og nefndum.



Ragnheiður Lind, Dagmar, Áslaug Steinunn, Andrea og Fjóla Sif

### **Stjórn Vestmannaeyjardeildar 2020-2021**

Áslaug Steinunn Kjartansdóttir formaður  
Andrea Guðjóns Jónsdóttir varaformaður  
Ragnheiður Lind Geirsdóttir gjaldkeri  
Dagmar Skúladóttir ritari  
Fjóla Sif Ríkhardsdóttir meðstjórnandi.

### **Uppstillingarnefnd:**

Sonja Ruiz Martiniz  
Berglind Sigvarðsdóttir

### **Skoðunarmenn Reikninga:**

Sigríður Gísladóttir  
Erna Þórsdóttir

### **Trúnaðarmenn:**

Anna Guðný Laxdal Magnúsdóttir, HSU  
Alfa Markan Elfarsdóttir, vara HSU  
Ingibjörg Þórhallsdóttir, Hraunbúðir  
Sigurleif Guðfinnsdóttir, vara Hraunbúðir

### **Fræðslunefnd:**

Erna Þórsdóttir  
Kristín Sjöfn Ómarsdóttir

### **Kjaramálanefnd:**

Hjördís Kristinsdóttir  
Hafdís Sigurðardóttir

**Jólaskemmtinefnd:**

Ragnheiður Lind Geirsdóttir  
Anna Guðný Laxdal Magnúsdóttir

**Ferðanefnd:**

Sigríður Jóhanna Sigurbjörnsdóttir  
Sara Rún Markúsdóttir  
Berglind Sigvardsdóttir

Starf deildarinnar var með heldur óvenjulegu sniði síðasta starfsár, eins og hjá öllum öðrum. Aldrei hafi nokkrum manni dottið í hug að við ættum eftir að ganga í gegnum svona ástand þar sem settar eru á fjöldatakmarkanir, lokanir og fl sem hefur haft áhrif á alla, síðasta ár er búið að vera eins og illa skrifuð skáldsaga sem ég hafi verið löngu hætt að lesa, þvílík vitleysa hafi ég sagt, þoli ekki það sem á engar stoð í raunveruleikanum. Öll höfum við þurft að gera miklar breytingar í okkar einkalífi og heilbrigðisstarfsfólk hefur þurft að takast á við mikið álag við oft mjög erfiðar aðstæður.

Þann 20 febrúar náðist að hafa eina félagstjórnarfundinn á þessu ári, en við erum búinn að hittast á Zoom fundum mánaðarlega. Fulltrúaðing var haldið í Zoom og einnig trúnaðarmánaþing.

26. febrúar, rétt áður en allt var sett í lás, náðum við að hafa deildarfund þar sem Andrea Guðjóns Jónasdóttir sjúkraliði var með kynningu á tilraunaverkefni Vestmannaeyjabæjar sem verið er að setja af stað til að aðstoða þá einstaklinga í eyjum sem greinast með heilabilun og halda utan um þann hóp ásamt kynna þeim og fjölskyldum þeirra hvaða úrræði eru í boði. Andrea sér um dagvistun hjá Vestmannaeyjabæ og er einnig í stjórn Alzheimerhersamtaka Vestmannaeyja.

Nýir kjarasamningar voru samþykktir á síðasta ári þar sem aðaláhersla var lögð á að stytta vinnuvikuna, dagvinna fer úr 40 tímum niður í 36 tíma og vaktavinna getur farið allt niður í 32 stundir miða við 100% vinnu. Því miður gekk ekki nógu vel að kynna allar þessa breytingar í vinnuumhverfinu og virðist vera töluvert um misskilning og rangtúlkanir.

Eitthvað létti til í samkomutakmörkunum í byrjun sumar og Sandra formaður SLFÍ og Gunnar Örn komu til okkar 11 júní til að kynna fyrir okkur nýja kjarasamninga. Ágætlega var mætt og var þetta mjög fróðlegur fundur.

Evrópudagurinn var með breyttu sniði eins og allt annað. Undanfarin ár höfum við boðið okkar skjólstaðingum og samstarfsfólki upp á kaffiveitingar í tilefni Evrópudagsins en kvenfélagið Líkn hefur í áraraðir verið með 1. desember kaffi og var það haldið 26. nóvember að þessu sinni. Vildum við ekki hafa nein áhrif á þeirra fjáröflun og ákváðum í staðinn að gefa 100.000 krónur til Landakirkju og verður þessi peningur notaður til að styrkja fjölskyldur sem þurfa aðstoð hér í Eyjum.



Stjórn svæðisdeildar Vestmannaeyja hefur hist tvisvar á síðasta starfsári og átt tvo Zoom fundi til að ræða saman. Einnig hefur formaður átt fund með trúnaðarmönnum okkar til að fara yfir hvað hefur komið upp á borð hjá þeim og vil ég nota tækifærið og þakka trúnaðarmönnum okkar fyrir hvað þeir hafa staðið vel við bakið á okkur og ykkur öllum fyrir hvað þið eruð öll tilbúin að taka þátt í starfi deildarinnar.

Ekki sjáum við fram á að hægt verði að fara að heimsækja Alzheimer þorpið eins og áætlað var í vor og nefndin, sem byrjuð var að undirbúa þá ferð, verið sett á bið. Stjórnin hefur tekið að sér, ef hægt verður að ferðast innanlands, að reyna að finna eitthvað til að fara og skoða.

Ragna Steina Snæfell útskrifaðist frá FÍV 21. desember 2019, Andrea og Fjóla voru viðstaddir útskriftina. Þann 23. maí 2020 útskrifuðust þær Sírý Björt Lúðvíksdóttir og Katrín Rós Óðinsdóttir, en vegna aðstæðna var ekki leyfilegt að senda fulltrúa frá okkur til að vera við útskriftina.



Fjóla, Ragna Steina og Andrea



Sírý Björt og Katrín Rós

Núna er ég að hefja áttunda árið mitt sem formaður og ekki átti ég von á því að ég myndi vera svona lengi, mér hefur yfirleitt fundist þetta skemmtilegt, fræðandi og hef lært mikið.

Áslaug Steinunn Kjartansdóttir,  
formaður Svæðisdeildar Vestmannaeyja